

SARS E PŠHATLILE DIFATANAGA TŠE 26 TŠE DI SEGO MOLAONG KGATLHANONG LE GO SE OBAMELE MOLAO

Durban, 23 Nofemere 2018 – Ka mankgapele lehono, Ba Ditirelo tša Motšhelo tša Afrika Borwa (SARS) ba pšhatlile palo e mmalwa ya difatanaga tše di sego molaong bjale ka karolo ya go fediša go se obamele molao go disektara tše mmalwa tša Khastom.

Se se latetše matšatši a mabedi a tshepetšo ya mmušo wa mokopanelwa ka Durban le mafelo a tikologo go šomana le kgwebo ya go se be molaong.

Ngwaga wa tšhelete wo o fetilego, baofisiri ba Khastom ka KZN ba amogile difatanaga tše 26 bakeng sa ditlolo tša molao gomme di amogilwe ya ba tša mmušo morago ga tatelo ya tshepetšo ya molao ya maleba. Di na le boleng bja mmaraka bja go feta R4 million.

Tlišogae ya difatanaga tše di dirišitšwego e tloga e ganetšwa ka Afrika Borwa. Pele ga ge difatanaga di ka tlišwa ka Afrika Borwa, moreki o swanetše go hwetša phemiti ya tlišogae go tšwa go Khomišeni ya Ditšhabatšhaba ya Taolo ya Kgwebišano ya gape o swanetše go hwetša Lengwalo la Taolo go tšwa go National Regulator of Compulsory Specification.

Kgale, difatanaga tše di dirišitšwego tša go tlišwa ka nageng tšeo di tšeerwego di be di rekišwa ka fantisi ya Khastom bakeng sa kišontle, eupša difatanag tše di be di kgona go boela ka Afrika Borwa. Se se na le taolompe go intasteri ya selegae ya go dira difatanaga, yeo e dirago dikabelo tša 7.5% go koroso ya ditšweletšwa tša mo nageng. Intasteri ye ye bohlokwa e angwa ke phadišano yeo e sego e botse ya go dirwa ke difatanaga tše dintši tša go dirišwaGo dikoloi tše 26 tše di amogetšwego go mmušo go ngwaga wa tšhelete ka KZN, tše nne di pshatlilwe lehono gomme tše 15 di pshatlilwe mo dibekeng tša malobanyana. Tše di šetšego di tlo pshatlwa ka fase a taolo ya Khastom mo dibekeng tše di latelago.

Mokgwa wa go swana o tla dirišwa mo nageng ka bophara, Gauteng e tlo latela ka morago gwa latela Limpopo. Gabjale go na le difatanaga tše 317 tše di amogilwego tša neelwa mmušo mo ngwageng wo wa tšhelete.

Tshepetšo ya godimo kudu ya matšatši a mabedi (20 le 21 Nofemere) ka lefelong la Durban e ama Dikgoro tše dingwe tša Mmušo bjale ka SAPS, Phalalelo, Cross Border Road Traffic Agency le EThekweni Metro Police.

Nepo e kgolo ya tshepetšo e be ele go fediša go se obamele mabapi le tlišogae/kišontle ya dithoto, go kwefa ka ditagi tša go se dumelelege le polokelo/tshepetšo ya go se dumelelwe ya dithoto tš go dirišwa la bobedi.

Tshepetšo ye e akareditšhe thibelo ya ditsela go mafelo ao a lego kotsing, go tlhahloba dikhontheina ka sebele, dithoto, dintlophatlo tša go bondiwa, dipatrole, mafelo a go tlhahloba difatanaga, dikgoro tša go lekola le dikepe tša go nyakišiša..

Go fihla gabjale, tše dingwe tša tšwelelo ya ditshepetšo di akaretša:

- Tshwaro ya difatanaga tše 260 tša go dirišwagape tša go tlišwa ka nageng bakeng sa dinyakišišo tša go išapele tša tlišetšo ya tlišogae. Di ile tša dupelelwa ka nako ya tlhahlobo go dintlophahlo tše pedi tša go bontiwa tša Khastom ka 20 Nofemere. Difatanaga di dumelelwa go bontiwa ka dintlophahlo sebaka sa mengwaga ye mebedi ntle le go lefela lekgetho. Le ge go le bjale, nako ya tšona e feletšwe se se re gore di be di tshetše maemo a tšona a laesense.
- Tshwaro ya diaparolo le logwa tša etšišo tša go gononelwa tša boleng bja R6 million ka Boemafofane bja Ditšhabatšhaba bja King Shaka (KSIA) ka 20 le 21 Nofemere. Dithoto di dupeletšwe ka nako ya tlhahlobo ya setlwaedi ka go karolo ya dithoto ka KSIA.

- Kutullo ya lebake la 30kg la go katelwa ka gare ga sefatanaga le emišitšwe ka tseleng ya go thibelwa ka Tongaat ka 21 Nofemere. Lebake leo le bego le pakilwe ka gare ga makase ka morago ga butu ya sefatanaga, e bonwe ke mpša ya sedupe ya Khastom. E na le boleng bja R2 million.
- Tekolo ya kgorong ka boemakepe bja Durban ka 20 Nofemere e lebišitše go mengwato ya ekišo ya go gononelwa yeo e bego e pakilwe ka gae ga khontheina ya 40ft. Pakollo ya botlalo e dirilwe lehono go lekola ttholego ya tšona.

Go šoma kgauswi le dikgoro tše dingwe tša mmušo, Khastom e tla tšwelapele go dira dipupurutšo naga ka bophara go šomana le kgwebišano ya go se dumelelwe gammogo le boleng bja ketwane ya Dikhastom go šireletša ekonomi le setšhaba.

Go bona diswantšho, [kgotla mo](#).